

**DE PEDUM
ABLUTIONE ORATIO
HABITA AD CLERUM,
IN ECCLESIA
METROPOLITANA...**

Luca Ferrari



2^o cc^o 1^o ser^o mo.
75. 1785
1785
Illustriss., ac Reverendiss. Domino

Domino

HIERONYMO CRISPI

Patriarchę Alexandrino, et Ferrarię
Archiepiscopo. ✓

LUCAS CANONICUS FERRARI

Felicitatem



Uq̃ Te primum mandante fuit elucubrata, Te deinde presente paucis ab hinc diebus habita, nunc Te etiam imperante typis consignatur mea hac de Mystica pedum Ablutione Oratio. Nec sanè sponte mea huc ego unquam progressus fuisset, ut tenuissimam hanc lucubratiunculam publici Iuris facerem, quę evulganda multis quidem de causis mihi non videbatur, nisi, ut id ego sinerem, Auctoritas Tui omnium mihi gravissima compulset. Illud verò me ab hoc potissimum repel-

A 2

lebat

lebat, quod verebar, ne sapienti hominum iudicio minus æquo tribuisse putarer, quum eam rem illorum oculis exhiberem, quam nullo cultu expolitam, et ab ornamentis omnino inopem, indignam prorsus, ut prælo illustrata prodiret, existimabam. Ut ut res tamen cedat, nemo certe erit, a quo consilium hoc meum improbari queat, cum me; non voluntatis quidem meæ, sed Tuae Auctoritatis rationem habuisse intellexerit: Præclare mecum interim actum iri existimabo, si scriptionem hanc meam Tu acceptam habeas, tuoque patrocínio tuearis, atque, si vel ex hoc ipso, quod in Orationis hujus divulgatione meam tibi planè devoverim repugnantis animi difficultatem, judicaveris, nemini me prorsus alteri concedere, qui Te majori cultu, ac veneratione prosequatur; etsi enim levis admodum, ac perexigua videri cœpiam fortasse possit hac meæ erga Te singularis observantiæ significatio; id tamen ab humanitate tua me consecuturum confido, ut hoc meum qualecunque obsequium, Tu, Præsul Amplissime, æqui bonique consulas, illud memoria repetens, Deum ipsum quem Dignitate, quem Providentiâ, quem Religionis tuendæ studio tanta ex parte refers, nulla magis in nobis re delectari, quam si nostrum reluctantem animum ejusdem voluntati accommodemus. Faxit verò Deus ipse, ut diutius felicissimè vivas, qui nostræ felicitati, qui Patriæ splendori, qui gregis tibi concrediti salutis vivis, et incolunitati. Vale

ORA.



ORATIO.

Cum multa, magna, et præclara,
ex quo delato nobis præcipuo
quodam, maximoque Dei mu-
nere Ecclesiam hanc moderaris,
a Te pie fuerint, sanctæque
instituta, Illustrissime, ac Re-
verendissime Præsul; tum verò illud, quod
pervetustam æquæ, ac laudabilem plurimum Ec-
clesiarum secutus consuetudinem vespertinis
hujusce diei horis fieri sanxisti, ut de mysticâ
illâ pedum Ablutione, quam Christus in mor-
tis suæ pervigilio inter cœnandum exegit,
publicè ex hoc loco Oratio haberetur. Id ete-
nim Pietatis omne, ac Religionis officium
postulabat, ut eximium ad eò opus, in quo
summa Servatoris nostri cum Charitas, tum
Humilitas maximopere enituit, silentio mini-
mè præteriretur, ne vel nos singulari ipsius er- (a)
ga Homines dilectioni, qua quum dilexisset *Joan. 13.*
suos (a) in finem dilexit eos, minùs grati esse *ver. 1.*
censeremur, vel ne quidquam planè ad pie-

(a) tatem hoc potissimum (a) acceptabili tempore fovendam, promovendamque deesse videretur. Quum verò duo sint, quæ nobis in hac pedum lotione consideranda se obijciunt, Mysterium nempe, ac Mandatum; Mysterium, quod humili mentis obsequio venemur; Mandatum, quod alacri operis exhibitione impleamus; sermonem ita de utroque instituam, ut cum præcipua Redemptionis nostræ Mysteria in hoc ablutionis opere typico quodam signo exhiberi, ac mysticè adumbrari commostrem; tum verò illa quæ Christus in eodem tradidit Vitæ, Morumque præcepta cursim attingam. Quæ quidem dum ego persequar, oro Vos, obtestorque, ut si minùs compto, atque ornato dicendi genere uti videar, veniat mihi ultro concedatis; quo enim tempore Ecclesia squalido amictu, pallentique ore tamquam Virgo (b) super virum plangens pueritatis suæ, amantissimi sponsi sui necem effusis fletibus lacrymatur, nefas propemodum est ad ornatum, ac venustatem, dictionis verba componere.

Ablutio
Pedum
Typus
Myster-
ium
Redem-
ptionis
nostræ.

(b) Icel. 1.
ver. 8.

Christus itaque, Fratres Carissimi, ut ex Evangelica lectione nuper audistis Cēnā legitimā expletā; ut qui licet omni lege superior esset, legem tamen non soluturus, (c) sed impleturus advenerat, à Cēnā surgit, vestimenta sua ponit, (d) ac linteo se præcingit. Quid porro hæc nova rerum facies, nisi Redem-

(c) Maib. 5.
ver. 17.
(d) Joa. 13.
ver. 4.

Typus
Domini.
cū Incar-
nationis

Redemptionis nostrę feriem, modumque designat? Ecquis enim est, Dilectissimi, qui à Cenà surgit? Ille idem nempe, qui in Sanctorum (a) splendoribus genitus, sedens que super solium excelsum (b) glorię suę à beata illa mensa surrexit, de qua ipse Apostolis ait: Ego dispono Vobis (c) sicut disposuit mihi Pater meus Regnum, ut edatis, et bibatis super mensam meam in Regno meo, et a Patre (d) exiens ē regalibus suis (e) sedibus in hunc Mundum venit, ut in-quinatos sanctificaret (f) ad emundationem. Quinam vestimenta sua ponit? nisi qui, quum Deus foret [g] antea absconditus, lucemque inhabitaret (h) inaccessibilem, amictus lumine (i) sicut vestimento, Majestatis suę splendorem exiit, dum in terris subinde est visus (k), et cum Hominibus est conversatus. Quis demum linteos se prętogit? nisi qui in temporum plenitudine purissimam Humanitatem Divinitati suę circumfudit, nostręque carnis mortalitate (l) indutus apparuit. Magnum porro illud, et à seculo (m) absconditum Dominicę Incarnationis Mysteriorum typo quodam hic exhiberi, vel mente intelligitis; in quo Unigenitus Dei Filius cum in forma Dei esset (n) exinanivit semetipsum formam servi accipiens in similitudinem Hominum factus, et habitu, ut Homo, inventus. Mysteriorum jam vidimus: Mandatum quędō attendamus; Ipsa etenim eius fac-

(a)
Psal. 109.
ver. 3.
(b)
Isai. 6.
ver. 1.
(c)
Luc. 22.
ver. 30.
(d)
Ioa. 16.
ver. 28.
(e)
Sap. 18.
ver. 15.
(f)
Heb. 9.
ver. 13.
(g)
Isa. 49.
ver. 15.
(h)
Tbim. 6.
ver. 16.
(i)
Psal. 103.
ver. 2.
(k)
Bar. 3.
ver. 38.
(l)
Aug. Epi.
137. ad
Volus.
(m)
Colos. 1.
ver. 26.
(n)
Philip. 2.
ver. 7.

(a) *D. Greg. ta (a).* præcepta sunt, ac dum ille tacitus
hom. 11. in aliquid facit, quid agere debeamus innotescit:
Evange- Monitos scilicet nos Christus voluit, ut ve-
lia. terem hominem (b) una cum actibus suis
Colof. 3. expoliantes spiritu mentis (c) renovemur,
verf. 9. et induamus novum hominem, (d) qui se-
(c) cundum Deum creatus est in Justitiâ, et Sanc-
Eph. 4. titate; Ideo namque Dei Filius servilem
ver. 23. formam (e) obumbrata Majestatis sue di-
Ibid. ver. gnitate suscepit, ut qui servi eramus (f) pec-
24. cati, servi Justitiæ fieremus, et Filiorum Dei
S. Leo adoptionem (g) reciperemus: Ideo in hunc
serm. 2 de mundum venit, ut mundaret sibi (b) popu-
Nativ. lum acceptabilem sectatorem bonorum ope-
Dom. rum. Itaque Christus jam pelvim parat, et
Rom. 1. aquam mittit (i) in pelvim: Quid verò
ver. 17. pelvis, quid aqua immissa designet, non est
et 18. sanè, quod diù, multumque inquiramus; Ut
(g) enim pelvis Sacramenta ab ipso instituta si-
Galat. 4. gnificat, quibus saluberrimis veluti lavacris
ver. 5. ac, balneis, et animæ fordes abluimus, et amif-
(h) sam illius sanitatem recuperamus; ità aqua
Th. 2. ver. eidem affusa Gratiam protendit, quam visibi-
14. li corundem Sacramentorum signaculo invisibi-
Joa. 13. liter Christus alligavit: Hæc nimirum est aqua
ver. 5. illa munda, quam Deus per Ezechielem
Ezech. 36. (k) prædixerat, aliquando futurum, ut su-
ver. 25. per omnem carnem effunderet, cujus spiri-
(l) tu, ac virtute Filii, Filiique omnes (l) pro-
Joel. 2. phetarent: Hæc est aqua illa, quam Israe-
ver. 25. litæ in deserto spiritualiter biberunt (m) con-
(m) sequen-
1. Cor. 10.
ver. 4.

Typus
 Sacra-
 mento-
 rum, et
 Gratiæ.

❖ (IX) ❖

lequente eos Petra, lapide nempe illo angu- ^(a)
 lari, qui medium parietem ^(a) macerie ^{Epb. 2.}
 solvens fecit utraque unum: Hęc demum ^{ver. 14.}
 aqua illa est, quam Christus ipse Samarita-
 nam mulierem alloquens se in ipsum sincero
 corde credentibus daturum spondit, ut fons ^(b)
 fieret, ^(b) aquę salientis in vitam æternam. ^{Joan. 4.}
 Sed proh insanas Hominum mentes! qui ^{ver. 14.}
 fontem hunc aquę vivę derelinquunt, ut vel
 canosas, ac virulentas Babylonis undas avi-
 de combibant, vel cisternas sibi dissipatas ef- ^(c)
 fodiant, ^(c) quę continere non valent aquas. ^{Jer. 2.}
 Veruntamen si scirent ^(d) donum Dei, ab ^(d)
 illo forsitan petissent. Nos verò, Dilectissi- ^{Joan. 4.}
 mi, ad Fontem hunc viventis aquę propere- ^{ver. 10.}
 mus: hauriamus aquas in gaudio ^(e) de ^(e) ^{Isai. 12.}
 fontibus Salvatoris; ac dum interim Ille cla- ^{ver. 3.}
 mat, si quis sitit ^(f) veniat ad me; Nos pa- ^(f)
 riter cum muliere illa clamemus, Domine ^{Joan. 7.}
 da mihi ^(g) hanc aquam: Dabit Ille pro- ^(g)
 fectò, qui vult nobis plus dare ^(b) quam ^{Joan. 4.}
 nos accipere. An non videtis, qua animi ^(h)
 alacritate, quo cordis affectu, qua denique ^{D. Aug.}
 sui demissione, suis Ipse manibus pelvim ad ^{ser. 22. de}
 Apostolos defert? ante ipsos in genua pro- ^{verbis}
 cumbit? Illorum pedes abluit? ablutosque ^{Domini}
 linteo detergit? ⁽ⁱ⁾ [i]. O inauditum charita- ^{Joan. 13.}
 tis prodigium! O præclarissimum humilita- ^{ver. 6.}
 tis exemplum! Tene igitur Christe Jesu Pa- ^(k)
 ternę Glorię ^[k] Splendor, Candor ^(l) ^{Hebr. 1.}
 lucis æternę, et Imago Bonitatis illius, qui por- ^(l)
 tas ^{Sap. 7.} ^{ver. 26.}

(a) ras omnia (a) verbo virtutis tuę, qui am-
Hab. 1. bulas (b) super pennas ventorum, cui mil-
verf. 3. lia millium (c) Angelorum ministrant; Te-
Pfal. 103. ne, inquam, usque aded demittis, ut lutu-
ver. 3. lentos Discipulorum pedes tuis manibus ablu-
Dan. 7. as! manibus, inquam, illis, ad quarum con-
ref. 10. tactum et surdis auditus, et cæcis redditus

visus: Quarum imperio et fugatæ procellæ,
 et fluctus sedati: Ad quarum denique nu-
 tum et salus ægris, et vita mortuis restituta.
 Quo Te Domine Jesu, nostri amor? quo Te
 nostri Charitas? Quo veræ Humilitatis ar-
 dor abjecit? Quamquam enim mirum non
 est, si Is usque aded se nostri causa demit-

(d) tat, qui factus obediens usque ad mortem
Pbil. 2. (d), mortem autem Crucis, semetipsum pro
ver. 8. nobis humiliavit: Si Discipulorum pedes
 abluat, qui sanguine suo in Passione, ac

Typus
 Passio-
 nis ac
 Mortis
 Christi
 Domi-
 ni

(e) Morte largissimè effuso Hominum noxas eluit,
1. Joa 1. nosque ab omni peccato (e) emundavit: Si
ver. 7. tandem ablutos pedes suo linteo abstergat,

qui scelerum nostrorum sordes in se ipsum
Gal. 3. transtulit, factusque pro nobis (f) maledi-
ver. 23. ctum languores nostros verè in se tulit (g),

(g) et dolores nostros in semetipso portavit. Mi-
Isa. 53. rari itaque potius subit, quod post illustre
ver. 4. aded humilitatis exemplum flecti adhuc Ho-

mo, et humiliari detrectet: Sed quid super-
Ecd. 10. bis (b) terra, et cinis? Erubescat jam Ho-
ver. 9. mo (i) esse superbus, quoniam propter Ho-

minem factus est humilis Deus. Sed ut ad
Aug. ser. 41. insti.
de verb.
Dom.

institutum nostrum redeamus, quum quævis
 Reparationis nostræ Myſteria in Chriſti Do-
 mini Reſurrectione poſſimum completa fue-
 rint, per quam et ſalutis noſtræ perfectum
 eſt Sacramentum, et Fides noſtra (a) con-
 ſtabilita eſt; congruum erat, ut ſuæ Reſur-
 rectionis Myſterium in hoc Ablutionis ope-
 re Chriſtus quoque adumbraret; quod qui-
 dem tum Ipſe perfecit, cum lotionē abſolu-
 ta, veſtimenta illa, quæ antea dimiſerat (b)
 denuò aſſumpſit; quam enim depoſuerat car-
 nis ſubſtantiam denuò recepit, dum Redivi-
 vus ab Inferis reſurrexit. Ad hoc porro Do-
 minicæ Reſurrectionis Myſterium eà, quæ par
 eſt, animi munditiæ propèdiem celebrandum,
 Fratres Cariſſimi, nos comparemus: Depo-
 namus veterem ſarcinam carnalis cæni, om-
 nique deterſa vitiorum labe redivivæ Gratiæ
 Immortalitatis ornemur: Emundemus nos à
 quòvis inquinamento carnis, ac Spiritus, nec
 ullo mundano pulvere (c) religioſa corda
 ſordeſcant. Pudeat nos verò, Dilectiſſimi,
 poſtquam nova ſuſcepimus indumenta Sancti-
 tatis, in veterem vilitatem (d) degeneri con-
 verſatione redire: Pudeat, poſtquam Animæ
 ſordes abluimus, pravis nos denuò terrena-
 rum rerum affectibus deturpare; ſed illud
 cum Canticorum Sponſa repetamus: Expo-
 liavi me tunica mea (e); quomodo induar
 illa? lavi pedes meos; quomodo inquinabo
 illos? Ut ita cum Chriſto verè reſurgentes
 non

Typus
 Reſur-
 rectionis
 D.
 N. I. C.

(a)
 1. Corin.
 15. ver. 17.

(b)
 Joan. 13.
 ver. 12.

(c)
 S. Leo
 ſer. 4. de
 quadr.

(d)
 S. Leo
 ſer. 1. de
 Nativ.
 Dom.

(e)
 Cant. 5.
 ver. 3.

❧ (XII) ❧

(a) non in fermento veteri nequitia, ac malitia, (a) sed in azimis sinceritatis, et veritatis Pascha Domini celebremus, ac priorem Illius Resurrectionem imitantes, ad aliam incorruptibilem glorificandæ carnis Resurrectionem adjuvante Domino perducamur. Amen. Amen. Domine Jesu, qui cum Patre, et Spiritu Sancto vivis, et regnas per infinitas myriadas sæculorum.



(Dixi)



FERRARIÆ MDCCXLVI.

Apud Joseph Barbieri *Superiorum* permisso.